


1615_428.jpg



1615_429.jpg

Troisième Continuation.

429

née le 27. iour de Mars dans son hostel au Fauxbourg S. Germain. Comme le feu Roy Henry troisieme son frere auoit esté le dernier des Roys de la Branche royale de Valois: aussi ceste Royné en a esté la dernière des Princeesses. Ceste branche de la Maison royale de France, a regné 261. an, sçauoir, depuis Philippes de Valois qui fut Roy l'an 1328. iusques audit Roy Henry 3. qui deceda en 1589.


Toutes les Histoires rapportées cy-dessus faisant vn assez iuste volume, donnoient occasion d'y faire fin par la mort de si grandes personnes: Mais pource que nous auons promis cy-dessus en la page 181. de rapporter ce qui s'estoit passé en la guerre qui se fit en Italie entre le Roy d'Espagne & le Duc de Sauoye au printemps de ceste année, & pource que plusieurs en France en ont diuersement escrit, nous insererons icy ce qui s'en est imprimé tant d'une part que d'autre à Milan, & à Turin.

Cy dessus depuis le fueillet 150. iusques au 181. il se veoit par les Discours, Traictez d'Accord, Lettres, Placards, & Requestes qui y sont rapportez, les causes des differents entre le Roy d'Espagne & le Duc de Sauoye, & comme le Roy d'Espagne estoit mescontent contre le Gouverneur de Milan de la suspension d'armes qu'il auoit faicte pour quatre mois avec ledit Duc de Sauoye, & de ce qu'il auoit retiré son armée hors de Piedmont.

Les Lettres d'Espagne que l'on enuoyoit à Milan ayant esté surprises, la grande leuee
Ec iij

*Relation de
ce qui s'est
passé entre les
armées d'E-
spagne & de
Sauoye. 1613.*

1615_430.jpg



1615_431.jpg

Troisiesme Continuation.

431

rent tuez, & soixante prisonniers. Le mesme jour il contraignit aussi le Seigneur de Rocaverrane de luy rendre le Chasteau, & d'en sortir avec les soldats qui estoient dedans.

Ceste entreprise fit cōjecturer au Duc de Savoie, que l'Espagnol avoit dessein sur Cortemille (place qui luy est d'importance; pource qu'elle couvre les Estats de Savoie du costé de Seue, Canelli, & Aste, villes distâtes seulement les vnes des autres que de dix ou douze mille) & principalement quand il eut aduis que Gambaloite Maistre de Camp d'un Regiment d'Italiens, estoit à Cassine qui faisoit amas de bœufs pour cōduire du canō. Ce fut ce qui le fit resoudre à enuoyer dedans Cortemille les Regimēts de Polimieux, d'Oches, & du Cheualier du Bueil, avec huit cents Suisses du vieil Regimēt du Colonel Amrin: Et luy s'en alla à Cayras où il amassa vne armee de quatre mille hommes de pied & de huit à neuf cents chenuaux; avec laquelle, sans vouloir prendre le chemin des Langhes, trop fascheux en ceste saison, il alla passer le Taner à Neive, puis tenant le chemin de Neuiglie & de Castino, il se rendit à Cortemille.


Le Duc de Savoie se rend à Cortemille.

Le Marquis de Mortara Gouverneur d'Alexandrie de la Paille estant aduerty de l'acheminement du Duc de Savoie à Cortemille, se rendit en diligence à Bestagne avec deux Regiments d'Espagnols, vn d'Italiens, six compagnies de caualerie, & deux pieces de campagne; & en mesme temps il aduertit de son par-


Le Marquis de Mortara se retire dedans Bestagne.

E c iiii


1615_432.jpg




1615_433.jpg




1615_434.jpg



1615_435.jpg



1615_436.jpg



1615_437.jpg

Troisiesme Continuation.

437

Ledit sieur Commandeur estoit allé en Espagne pour deux choses. La Premiere, pour porter à l'Infante de la part du Roy tres Chrestien le brasselet de diamants d'un prix inestimable, dont sa Majesté luy faisoit present. De ce qui se passa en ceste reception & presentation, il y en a eu un assez long discours imprimé. Et la seconde, estoit pour les affaires de Sauoye, afin d'y procurer la Paix, & sçavoir l'intention du Roy d'Espagne sur ce subject.

Dez que ledit sieur Gueffier fut de retour à Thurin, le Marquis de Rambouillet enuoya le sieur de Poigny son Cousin à Asté vers ledit Duc pour luy demander audience. Mais ayant semblé audit Duc n'estre à propos (veu l'estat de la guerre & de ses affaires) que tant de gens qui l'estoient allé trouver veissent que l'on traitast de la Paix dans Asté, il luy dit qu'il se rendroit à Valfenera à dix mille d'Asté du costé de Thurin, & ce dans le neuuesme May, où il donneroit l'audience.

S'estans tous trois rendus à Valfenera, ledit sieur Marquis dit au Duc, Que le Commandeur de Sillery auoit rapporté d'Espagne, Que l'intention de sa Majesté Catholique estoit de ne pretendre aucune satisfaction ny submission de luy Duc de Sauoye, mais seulement qu'il desarmast dès à present par effect, retenant toutesfois le nombre de gens de guerre qu'il auroit besoin d'auoir pour la garde de ses places, & seureté de ses Estats & pays. Que ledit Duc se remist de tous les differents qu'il auoit avec le

Le Commandeur de Sillery Ambassadeur d'Espagne

vers le Roy d'Espagne presente à l'Infante le brasselet de diamants

que le Roy tres Chrestien luy enuoyoit.

Intention du Roy d'Espagne touchant la guerre de Sauoye.

Image issue du site mercurefrancois.ehess.fr - Cliché (c) Cécile Soudan